

## Hungaria / das ist Ungerland.



**S** Ungaria / sunst das nider oder vnder Pannonia genante.  
 Dahin die Huni etwa kamen / vnd nach in Hungern nentz.  
 Dis landt einn theil Mesie / hat vom auffgang Galliciam /  
 vnd Italam / vonn Mitternacht ann Teutschland Osterreich ge-  
 nant. Dis fruchtbar / goldreich / habhafftig wolbewart königreich  
 voller marmor / metall / vihe / weyd / saltz vnd wild / auch an vil orten  
 reich an wein. An sitten leben vnd glauben vnder schiden.

Dis Königreich ist gar umbhagt mit neun hägen von eychem vñ  
 allerley hartem holz / einn hag hat zweinzig schrit in der breyte vnd  
 zwenzig schrit odder schüch in der höhe. Der erste hage vmbgehet  
 das gang Ungerland / darnach in zweinzig meilen / aber einer rings  
 weis naher vmb dz land / darnach über zweinzig teutscher meil aber  
 einer / so vil am ring vnd anfang kleyner / aber an der höhe vnd brey-  
 te nit kleiner noch schmaler / vnd so fort an bis auff den neunden.  
 Aufwendig seind die hæg all mit grossen dicken wajenn überleget / vñ  
 gleich wie ein mauer gemauert. Darauff steht ein gestreuf vnd heckz  
 das darüber nit liederlich zukommen ist. Dazwischenn / nemlich die  
 zwenzig meil zwischen einem ieden zaun hag odder maur ligen stett /  
 mercke / döffer / fleckenn / etwa zettert vnd zerstrawet / etwa so na-  
 hend an einander / das mann ein menschen von einer herberg zu der  
 andern hören mag.

Die Hauptstatt dis lands ist Ofen genant.